

# Bingz Maenhndei

## 评 优 秀

Veiz Aicinh / 韦爱珍



"A, dahcej ha, baenzneix fukcab ma!" Vangz Meijli aj bak gvanglili, de caen mbouj saenq, Lungz lauxsae bingseiz yiemzsuk nyinhcaen, de miz baenzlai siengjfap.

Songde doxbiek le, gag boux gag ma ranz. Vangz Meijli doq byaij doq siengj. De guhhong baenzlai hoj, ngamq daej aen hagdangz neix seiq haj bi, nyinhnaeuz nyinhcaen hwnj dangz son saw, miz cingzcik couh ndaej miz gihvei bingz ndaej maenhndei, baengh neix bae bingz cizcwng. Hoeng ngoenzneix de dingq le gij vah Lungz lauxsae, cij roxnyinh baihlaeng liengzsumsum, de baenzlawz hix siengj mbouj doeng, bingz baez maenhndei neix lij miz baenzlai gyicaek.

Aen gaujhwz bingz maenhndei ndaw hagdangz seizgan yaek daengz lo, cuj yijvwnz miz song aen mingzngeg. Vangz Meijli lumj duzmoed ndaw rek ndat nei. De mbouj soengq gvaq laex, lienz aen damj haeuj ndaw bangunghsiz yaucangj hix mbouj miz. Gvan de dwg boux vunz lauxsaed, mbouj gangj soengq laex lo,

baez dwen daengz saeh neix, de couh mbouj doengzeiq. Neix couh maqmuengh mbouj hwnj lo, cijaeu swhgeij gag siengj banhfap.

Ngoenz dahngeih banhaemh, Vangz Meijli cawx le di makgam, caemhcraig youq ndawde oet haeuj song cien maenz mbaw gaj guh meijyungz ndeu. De dingqnaeuz yah yaucangj ciengzcengz bae swiq naj guh meijyungz, yungh gij cienz caemh lai, baenzneix couh siengj soengq gij laex neix.

De cam rox ranz yaucangj youq gizlawz le, couh gietdingh soh bae ranz yaucangj.

Haeuj ndaw honghranz, Vangz Meijli ndawsim diuqbungbung, lumj guhcaeg nei. Laeuz hauh daih'it, laez hauh daihgeih..... De menhmenh geq, muengh vaiqdi ra daengz laez hauh daihbet.

"Vangz Meijli, mwngz bae gizlawz ne?" Sawqmwh dingq daengz baihlaeng miz vunz heuh de, aen sing gig sug, laep lai cix yawj mbouj raen vunz. De duenhdingh, wng dwg Cinz fuyaucangj. De ngawh lo, Cinz fuyau-

cangj caeq yaucangj caemh youq doxyawj.

Vangz Meijli ngaezngwd caez, seizedneix baenzlawz guh cij ndei? De ganjip ra coenzvah han Cinz fuyaucangj cij ndaej. Cinz fuyaucangj cawjguenj gij saeh lauxsae bingz maenhndei baez neix. Cingq youq seizedneix bungz daengz de yaek dai vunz lo, cungj mbouj ndaej lwnh de naeuz bonjfaenh bae ra yaucangj ba?

"Gou ngamq gvaq gizneix, cingq naeuz bae ranz mwngz yawjiyawj ne." Vangz Meijli naj hoengzlwdlwd naeuz.

"Aiya, mwngz mbouj yungh daeuy yawj gou, raeuz caez dwg doengzaeh, mwngz youh gaenx guhhong, yiengh-yiengh guh ndaej beij bouxwnq ndei, miz maz saeh youq hagdangz gangj couh ndaej lo. Baez neix daeuj daengz neix couh haeuj ranz bae naengh-naengh ba."

Songde doq byaij doq gangj vah. Byaij gvaq doiqnaj aen laez yaucangj, Cinz fuyaucangj lij vix dwk lwnh de naeuz: "Yaucangj raeuz couh youq laez de caengz daihcngeih."

Haeuj ranz Cinz fuyaucangj, Vangz Meijli raen gwnzdieg coq miz haujlai doxgaiq: Laeujhau, laeujnding, ien, makgam caen lai, de miz di mbouj ndei eiqsei. Cinz fuyaucangj riu naeuz: "Haxbaenh Loz lauxsae caeq Veiz lauxsae ngamq daeuj, dwg vih gij saeh baez bingz maenhndei neix, gou ndaej bang sou ndaej couh itdingh bang." Lij aeu gangj maz dem, Vangz Meijli ganjip cuengq doxgaiq roengz couh ra lijyouz dauqma lo.

Geij ngoenz gvaqbae le, gij mingzdan maenhndei ndaw hagdangz daengh okdaeuj lo, Loz lauxsae caeq Veiz lauxsae cungj miz coh, hoeng cix mbouj miz coh de.

Vangz Meijli bungz daengz Cinz fuyaucangj couh cam de, Cinz fuyaucangj naeuz: "Vangz Meijli a, gij saeh neix mwngz mbouj caeq yaucangj nai gvaq ma? Ngoenzde doxyaeng byawz ndaej maenhndei, de naeuz mwngz lij coz, baez laeng cij daengz mwngz."

Vangz Meijli baez dingq, daengx aen gyaeuj mazmwdmwd, Iwgda baez laep couh daemjlaemx gvaqbae lo.

(2 sat)

### 158. Cam:

Duenz mwngz coenz daihgouj,  
Gaiq maz gouj baez fan?  
Beix rox nuengx couh hoiz,  
Gaiq maz a bin bya?

#### Hoiz:

Lwgsae soem liple,  
Gaiq de gouj baez fan.  
Vwnz gienj dungh yuhyz,  
Gaiq de a bin bya.

### 159. Cam:

Duenz mwngz coenz daihcib,  
Gaiq maz goep diuq mieng?  
Beix rox nuengx couh hoiz,  
Gaiq maz biengz baiz deih?

#### Hoiz:

Vunz vut gyaj daek boep,  
Gaiq de goep diuq mieng,  
Vunz ndaem naz doxiengz,  
Gaiq de biengz baiz deih.

### 160. Cam:

Haetneix mwngz hwnqdaej,  
Gaem gaiq maz daih'it?  
Haetneix mwngz hwnqdaej,  
Gyt(Bungz) gaiq maz daihgeih?

#### Hoiz:

Haetneix gou hwnqdaej,  
Gaem aenriep daih'it.  
Haetneix gou hwnqdaej,

# Vah Duenz

## 谜 语

Soucomz Cingleix Veiz Daz

Gyt(Bungz) gouhhaiz daihngieh.

### 161. Cam:

Haetneix mwngz hwnqdaej,  
Gaiq maz doiq mwngz riu?  
Haetneix mwngz hwnqdaej,  
Gaiq maz ciuq mwngz naeng?

#### Hoiz:


Haetneix gou hwnqdaej,  
Vanj raemx doiq gou riu.  
Haetneix gou hwnqdaej,  
Aendaengq ciuq gou naengh.

### 162. Cam:

Haetneix mwngz hwnqdaej,  
Duz maz ndwn dou ring?  
Haetneix mwngz hwnqdaej,  
Duz maz dingj laj cauq?

#### Hoiz:

Haetneix gou hwnqdaej,  
Gyokdawh ndwn dou ring.  
Haetneix gou hwnqdaej,



(23)



Aengiengz dingj laj cauq.

### 163. Cam:

Haetneix mwngz hwnqdaej,  
Duz maz naengh mbouj ndwn?  
Haetneix mwngz hwnqdaej,  
Duz maz ninz mbouj hwnq?

#### Hoiz:

Haetneix gou hwnqdaej,  
Aen rum naengh mbouj ndwn.  
Haetneix gou hwnqdaej,  
Rinbanj ninz mbouj hwnq.

### 164. Cam:

Haetneix mwngz hwnqdaej,  
Duz maz ndwn dangmien?  
Haetneix mwngz hwnqdaej,  
Duz maz hix bae gonq?

#### Hoiz:

Haetneix gou hwnqdaej,  
Lozyieng ndwn dangmienh.  
Haetneix gou hwnqdaej,  
Lwgdin hix bae gonq.